

# Lo vîlhio dèvesâ

Autor(en): [s.n.]

Objekttyp: Group

Zeitschrift: **Le nouveau conteur vaudois et romand**

Band (Jahr): **77 (1950)**

Heft 4

PDF erstellt am: **26.05.2024**

## Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, [www.library.ethz.ch](http://www.library.ethz.ch)

<http://www.e-periodica.ch>



### On payïesan motzet

Daô teimp qu'on eîré dzouvenoû on oûyiâi dza racontâ dé baliverne qu'eîron dé farce que fazayïon riré et qu'amouzavon bin lé dzeint ; c'est dinsé que noûtré vieillou payïesan avayïont on certain oeurgoueil dé l'aô z'affairé, de l'aô bêté et to cein que conserné lé zûti dè tzamp, d'aô courti de l'étrâbia afaî qué, to cein que conserva la carrâie. Aô dzeu dé vouein, on vai dein certainé laitéri lé payïesan apré avaî collâ l'aô lacé, ranché simpliameint l'aô boille à l'eigue frida, adon qu'on sâ que n'y a què l'eigue tzauda qu'è capablia d'einlevâ la graisse d'aô lacé dein la boille. D'ein tuè lé cas mé souviennoû bin que quand eîrou boibou, l'y avai adé on'na cassetta d'eigue tzauda po relavâ la boille ein reveniâi la naî de la laitéri. On iâdzou on dzeu dé faîra (foire) côtié z'agriculteu reveniâyion dé chliâ-iique et coûmeint cein arrivé dé iâdzou sé fetzon aô carnottet po beîré eincouai ou'na gota dé cei thé d'octobre, a la pliaice d'alla arriaz (traire), se bin qu'ez sé treûvon avoué chliâi que veniâyiont à la laitéri et pouité sé boûton à bragâ sû l'aô vatzé, sé boûton à dévezâ sû l'aô lavadzou dè boillé et la façon de lé teni proûpré ; Yïon qu'eîré veni à la laitéri s'é bragavi qu'à qu'in'haôra qu'ez revienné à sa carraïe ez lavavé sa boille à l'iegue tzauda et que l'eîré adé san coû-

zon, avouâi chliâ-iique. Masaî ion dé chliâi coô qu'eîré z'aô à la faîra avâi dein sa catyetta ou'na dernia dozana di fenné ein bescoumo avouâi dé pliomme bluvé, ein boûté trei aô fon de la boille à ce l'hommou qu'eîré restaïe aî vestibulou d'aô carnottet et vieînont dé boû'haôra lou matin à la laitéri po l'ou veyré colâ son lacé, iô ez ne fûron pas supprâi dé veyré chliâ papéta et chliâi pliomme su lou colliâo !... Cein qu'è sûr c'est qu'ez n'avay pas lavâ sa boille à l'eigue tzauda, maî eîré z'aô on biô iâdzou motzet à la laitéri !...

Novembre 1949.

P. Damond.

### 'Na bounna remauffaie

Mein vé vo contâ onn'istouâre que fâo pâ allâ la redere, du que pourrâi bin m'amîna onna nièze. Dein lè premîre z'annâie dâo Contoi chuisse dè Lozena, lo présidein l'étai lo vilhio Failletaz ; ora l'è son fiston. Po sè dêmoustelhî dein lè z'affére, l'a todzo itâ dè sorta, mâ fâo dere que l'amâve bin anneçî lè dzein.

On dzo que fasâi onna raveu dè la metzance, noûtron présidein s'einfatâ dein lo carnottet dè la tzerrâire dâi canton po rupâ on bocon et bâire onna botoille avoué on païsan dè Bâvouâ; que s'appelâve bin sû Agassis.

Tzaravoûta d'Agassis ! l'étai pâ on bracail-lon, Ka ni pâ ! Tè barjakâve tan qu'onno pouïnette dè pè Dzenèva. Faillettaz lâi fâ po lo tzecagnî :

— Tè borlai-t-e pâ ! San quan mîmo dâi rudè hatoille stausse dè Bâvouâ. Lè pâ po rein que san tî dâi z'« agasse », n'ant pâ la leingua dein lâo catzetta dè jilet...

— Kaise-tè bedoûma, que lai rebriqua lo païsan ; san pâo-t-ître dâi z'« agasse », mâ pâ dâi « felliette » !...

Faillettaz l'a pu payï la botoille. N'a plie djamé reinmodâ 'na nièze. Lo redzipet.

En cette place du Tunnel où se rencontrent les gens de la ville et leurs amis de la campagne vous trouverez au

## Café des Négociants

des vins tirés au tonneau, amoureusement soignés ; des mets succulents préparés à la mode de chez nous ; fondues ; grillades ; charcuterie renommée.

L. PÉCLAT, prop.